

ملی اوپونر، قونسلر، یاریشلر و سائر وسیله لرله قادین وارکک جمعیتلری طرفلرندن بر خیلی اعانات طویلاندی و باشلرنده حکمدارلری بولندیغی حالده اوروپا ملتلیرنک معاوضه شتاب ایتکله برابر ملت عثمانیه حقنده بیوک بیوک آمار محبتلرینی نظر شکران ایله کوردک.

متباعدین سیاسیه کلمکده و بونلره استانبول خلق طرفندن یک صمیعی، یک پارلاق مراسم استقبالیه اجرا ایدلمکده در. هیأت استقبالیه آره سنده یالکز اقربا واحیاسی دکل. قدرشناس ملتداشلرندن بیکارله افراد حریت برستانی تشخیص ایلکده درلر. چهارشنبه کونی داماد محمود پاشا زاده صباح الدین یک مواصلت ایتدی. باباسنک بقیه عظامنی ده کتیردی. مجاهد حریت محمود پاشا آرتق پرلاشزده دکل، ایوبده یاتعجق و مقبری زیارتگاه امت اوله جقدر.

ولی عهد سلطنت رشاد افندی حضرتلریله بیوک برادری عبدالحمد خان ثانی حضرتلرنک ملاقاتی، خاندان سلطنت افرادینک افراد ملتله قانیله رق. محویتده بیوکک کوسترملری، شایان تذکار وقائع در.

۱۱ تموزدن برو جدی و مزاحی بر چوق غزته نک انتشار ایلیه رک سویله سوپله او قوندیغی؛ ارباب صنائع اتحاد و تعاون و مسلک لرنده ترقی ایچون جمعیتلر تشکیل ایلدیکلرینی و بو یوزدن رژیده، تراموا ییده، شمد و فرلرده و سائرده تعطیل اشغاللر وقوع بولمش ایسه ده اتحاد و ترقی جمعیتی اعضاسنک توسطلریله یک قیصه مدته بر طرف ایدلدیکنی و قانون اساسیمزک اعلانی بوسنه و هر سکنده و مضرده تأثیرات مهمه حصوله کتیره رک بورالرده اداره مشروطه تأسیسی انکلتزه و آوستریا حکومتلرنجه دائمی دوشونجه اولدیغی مثللو ایرانده اعاده اداره مطلقه ایتک عزمیله قان دوکن شاهک بر خیلی تبعه ایرانیه طرفندن تابعیت عثمانیه یکمک تهدیدیه تضییق اولندیغی و احرار ایرانک طاقم طاقم سفارتخانه مزه کلوب التجا ایتدیکلرینی؛ انکلتزه ایله ارمیزی آجانی اسبابک زوالیه ایکی ملتک یکدیگرینه غایت صمیعی بر صورتده محبت کوستردیکلرینی و سفیر جدید سیر لوو ترک پایتخته ورودی قانون اساسینک اعلانندن سوکره یه مصادف اولمسیله دنیا ده هیچ بر سفیره نصیب اولماش بر صورتده ملت طرفندن استقبال اولندیغی و هر یزده آلفیشلر کوردیکنی سوپلر سه ک ۱۱ تموزدن آغمتوسک یکرمی بشنه قدر اولان وقوعاتی اجمال ایتش اولورز.

ابن الضیا

اجال خارجی

حکومت مشروطه عثمانیه نک صحنه سیاستنده تکیون ایدن ایلک اختلاف بلغارستان قبوکتخداسی کشوف افندی نک عدم دعوی مسئله سی اولدی. بزم نقطه نظر مزجه بلغارستان عهداً دولت عثمانیه نک زیر تابعیتنده برامارت بولمق حسیله

اجال داخلیمزه عائد بر موضوع ابرهده دول معظمه سفراسیله اوروپا مطبوعاتی ده
 یوایده بیان رأی ایدهرک ایشه بر مسئله خارجی ماهیتی ویرلمش بولندیغندن
 اجمال خارجیمز صره سنده موقع مباحثه یه وضعنه مجبورت حس ایتدک :

جراند یومیه نثریاتندن ده مستبان اولدینی اوزره کشف افندی مابین هایونده
 ترتیب ایدیلن ضیافتله دعوت اولدینی حالدہ خارجیہ ناظری پاشا حضر تلرینک
 قوناغنده هیئت سفرانک شرفته ویریلن برضیافتہ دعوت اولندیغندن طولانی
 منفعل اولمش و حکومتن الدینی امر اوزرینه قبو کتخدالق بلش کاتبی
 مصالحگذار براقه رق صوفیه یه کتمشدر . شو حالدہ دولت ایله امارت آرہ سنده کی
 مناسبات هنوز بردوام اولمقلہ برابر قاتون اساسینک اعلانندن برو مناسبات
 مذکورده حصوله کلان صلاح وصمیمت مختل اولمشدر . دولتک مدافعہ حقوقی
 امرندہ کوستردیککی ضعف ولاییدی یه مقابل بلغارستان امارتی هدف استقلاله
 طوغری خطوه خطوه ایلر ولیه بلیمک ایچون بلا آرام چالیشهرق و هیچ بر فرصت
 قاجیر میهرق برلین معاهدہ نامه سیله معین اولان موقع سیاسی سی کرچه آز چوق
 تغیرہ موفق اولمش و ازان جمله مقدما مدافعہ حقوق قری عثمانی سفارتلریله
 شہبندر لرینه محول بولنان بلغارلرک محافظہ منافی ایچون بعضیلری - شخصه
 عائد بولندی قیدیلہ سفیر و جنرال فونسلوسی عنوانی حائر اولق اوزره
 اوروپانک هر طرفته یولتیقه مأمورلری و تجار وکیللری کوندردیککی کبی دولترلہ
 تجارت وقونسولوسلق مقاولہ لری عقد ایتمش و حتی عهود عتیقه یی قسماً فسخ
 ایتدیرمشدر . بو موقیاتک بلغارستانی دولت متبوعه سنہ قارشو دخی بر حکومت
 مستقلہ کی حرکتہ سوق و امالہ ایتسی نہ قدر طبیعی ايسہ دولتکده حقوق حکمرانی سی
 مدافعہ یه سابقندن زیاده سعی و اہتمام ایلیمسی ده جمله وظایقنددر شوسیبیلہ هیئت وکلانک
 کشف افندی یی هیئت سفرادن استئنا ایتسی حقوق دولہ و منافع حکومتہ تمامیلہ
 موافق دوشمکده ايسہده ضیافت مباحث عنہانک بعض رجال و ارکان دولته
 تشمیلی صورتیلہ بر چارہ تسویه بولنسی ده شو آرہلق ده مناسبت اولہ جنی وارد
 خاطر اولمیور دکلددر . مع هذا مادامکہ مدافعہ حق یولندہ واقع بر معامله در افکار

عمومیه نك هیئت وکلايه ظهير اولاسی لازمہ دن و مسئلہ نك خيئت دولته متناسب بوجه ايله حلی ايجابات حال وزماندندر .

اکثر دول معظمه نك بو بایده کی نظریه مزك حق وعهده مقارنتی بالتصديق اویولده تألیف بینہ چالشعلری قریباً بر صورت تسویه حسنیه موقیئت الیوره جکی قویاً امید ایستدرمکده ایسه ده دولتك طریق اثلافه طوغری ایلک خطوه نی آتهرق کشوف افندیك نیچون درسعاده عودت ایتمدیکنی وعودت ائیمه جک ایسه یرینه دیگر برذاتک انتخاب ایلمسنی صوفیه قومیه رلکی واسطه سیله استیضاح وتبلیغ ایستدردیکی بر صرده شرق تیمور یوللرینك شرقی روم ایلیده کی قسمك امارت طرفندن اشغالی مسئله سی تحذث ایدوب ارده ده کی اختلافی برقاندها تشویش ایستدی . بواشغال خط کیفیتی من القديم امارتك ضمیرنده مرکوز بر تصور نتیجه سی اولمق حسیله اك اول نه وقت ونه صورتله نشئت ایستدیکی حقنده ایضاحات اعطاسی فائده دن خالی اولمیه جنی درکار بولمقله برابر وقتك ، اجماله ترك ایدیلان صحیفه لرک عدم مساعدنه مبنی شمديك يالكيز شوقدر ديه جكم :

شرقی روم ایلیده کی خط قسمك امارتجه اداره ایلمامسندن بلغارلر کرچه بعض محاذیر سیاسیه تصور ایتمکده ایسه لرده بو محاذیرک تصدی اشغالدن غیری بر صورتله رفعی امکانلری مفقود اولمديفندن اساس مسئله بعض بانقه لرک قسم مذکور ی بهالیه صاتهرق کلی برقزائج تأمیذنه معظوف امللرندن وبو امللرک ترویجی جهته کیدرک بعض بلغار سر آمدانك ده حصه مند انتفاع اولمغه میللرندن منبعثدر . بقالم پاره فیرلدانی بوسفرده حقه غلبه چاله جقمی؟

•• ایران وقوعه عاتنده حال وموقعه قطعیت ویردجک درجه لرده شایان تذکار برحادثه ظهوره کلامشدر . احرار امتك مطالب مصرانه سی اوزرینه مجلس مبعوثانك اجتماعنه خواه ناخواه ممایشات ایدن شاه ایران بر مدت صکره وکلای ملته صانکه قردادش قلیجی ايله ، قردادش قورشونی ايله هدر اولمق شرفنی جوق کورپور «ش کبی اجنبی بر قوماندانك امری التده بر قوه عسکریه سوق ایدوب دائرة مجلسی خاک ايله یکسان نیجه سر آمدانی محو وها ایستدی . بووقعه الیمه عقیننده فرقه احرار طرف طرف

جمع قوت ایتدیلر . حتی بر آردلق طهران اوزرینه بر قوه کلیه سوق ایدیله جکی شایع اولدیسده بوروایت تحقیق ایتدی . یالکتر تبریزده دهشتلی بر عصیان اولدی . بوراده کی فرقه احرار طرفداران استبداده و طهراندن کوندریلان عین الدوله قومانداسنده کی قوه عسکریه غلبه چالدی . شمعی تبریز غالبلك ید حاکمیتده بولونیور ، فقط عین الدوله معیتده کی طویلره کووه ندرک الیوم شهری طویه طومقله تهدید ، مبارزین حریتده داخل شهرده کی اجانبك خروجنه ممانعتله مقابله ایدیور . شو سطرلری یازدیغمز هنکامده حال و موقع بو مرکزده در . نتیجه یی کله جك هفته بیایدیره جکزر . شمیدین وریله جك حکم شودر : عین الدوله نك معیتده کرچه بش بیک کشیلک بر قوت موجود ايسده قسم اعظمی غیر منتظم و دین وقان قرداشلرینه قارشو بورومکه پك آز خواهشکر افراددن مرکب اولدینی ایچون بو آی ظرفنده بر نتیجه قطییه دسترس اولنه مدیننی حالد آزربایجان ایالتی اعلان استقلاله موفق اوله جقدر .

* * * بچن هفته کی اجمالزده موضوع بحث اولان سلسله ملاقاتك برلاحقه سی ده روسیه و آوستریا خارجی ناظرلرینك « بوخلاو » ده وقوعبولان ملاقاتلریدر . بوایکی ناظرك تذکر ایتدکری مواد حقنده پك آز معلومات ترشخ ایتمش اولمقله برابر مشارالیهك ساده جه متروویچه خطی وفاس مسئله سندن بحث ایتمکله قالمیوب بالقان پولتیقه سنه دهها زیاده حصر مقال ایتمش اوله جقدری بدیداردر . معلومدرکه روسیه و آوستریا حکومتلری بوخصوصده بالدفعات پیدای ائتلافه لزوم کورمشلر ونهسایت الامر « مورشتغ » ده بو ائتلافه قطعیت کامله ویرمشلردی . مورشتغ مقرراندن بری روسیه ایله آوستریا همیشه ال اله ویرهرك حرکت ایتمکده ایکن ره وال ملاقاتنده مورشتغ ائتلافك حکمدن اسقاط ایدلمی آوستریانی خیلی کوچندرمش ایدی . آوستریانك بوخصوصده کی انفعالی نمچه غزته لرندن واضحاً نمایان اولمقده ایدی . اشته موسیو ایزوولسکی ایله بارون ندرتال اك زیاده بو برودتك ازاله سنه مدار اوله جق برائتلاف حصوله چالشمشدر وروایتیه کوزه موفق دخی اولمشلردر . بقالم بوائتلاف نصل تجلی ایده جك !

مولی حفیظک تصدیق امارتنه متعلق تخمینمز قوه دن فعله چیقمق اوزر مدره .
 آلمانیا حکومتک بو باده کی تکلیفی اوروپا مطبوعاتنه سرمایه قیل وقال اولوب
 کیتمکده ایکن فرانسه ایله اسپانیا حکومتاری مولی حفیظک نه کی شرائط
 تحتند امیر صفیله طانیله بیله جکنه داتر بر نوطه حاضر لادیلر . حالبوکه امیر
 لاحق - مولی حفیظی ارتق بو عنوان تحتند یاد ایده بیلیرز - بو نوطه مسوده -
 سنک قلمه آلمسنه بیله انتظار ایتمدی . بتون فاس ممالکنک کنندیسنی امیر
 صفیله طانیس اولمی حسیله حقوق حکمداریسنی ایفایه ایتدار ایتمک وظائف
 متممه سندن اولدیغنی بالیان هیئت سفرایه بر تحریرات کوندرمه ک شتاب ایتدی .
 الجزیره قونفرانسی مقرراتی قبول ایتدیکنی بیلدیردی . امیر حضر تترینک بو
 مسارعنی پک مدبرانه وفطانتکسترانه بر حرکتدر . امور سیاسیه ده وقوف تامی
 اولدیغنه دلالت ایدر . فی الحقیقه مولی حفیظ بو تحریراتیه دولترجه اجرا
 قله حق تکلیفلی . لزوم کوستریله جک تدبیرلری کنندی اختیاریه قبول
 وتصوب ایتمش اوله رق بر تصبیق دولیه تبعیت ایتدیکی فکرینک اوکنی آلمش
 اولیور . اختیاری بر حرکتله ضروریاته تبعیت آره سنده کی فرق مستغنی تذکاردر .
 وقبیه بو دقیقه یی بز بیله ا کلامزلندن کلیور ، حقوق حکمرانیزی محل بر طاقم
 تدابیر اتخاذا ایدیلنجه یه قدر اظهار تمرد ایدییوردق . « لوران دو » و « تویی »
 مسئله سنک منجر اولدیغنی مدلی حادثه سی ارباب حمیه داغ درون اوله حق بر
 وقعه الیه دکلیدر ؟ نه ایسه صیدن چیقمیه لم : بر طرفدن مولی حفیظک تحریراتی
 مندرجاتی اوروپاده عکس انداز اولمقده ایکن ، دیگر طرفدن ده فراسه واسپانیا
 حکومتاری قلمه آله جقلری نوطه مندرجاتی قرارلشدیرده رق نوطه یی الجزیره
 قونفرانسنده بولنان دولتره تبلیغ ایتدیردیلر ، آلمانیا حکومتی بو نوطه یی بر فکر
 « دوستانه » ایله تدقیق ایلیه جکنی بیان ایلدی . انکاتره ایسه همان جواب
 موافقت ویردی . دول سائر نکده بو اثره اقتفا ایده جکلری ملحوظدر .

محمد صالح